

**Kalaallit Nunaata Extractive Industries Transparency Initiative-mi (EITI)  
candidate/compliant country status-eqarluni ilaasortanngorsinnaaneranut periarfissat  
pillugit Naalakkersuisut naalagaaffimmut attaveqaqqullugit peqquneqarnissaannik  
Inatsisartut aalajangiiffigisassaattut siunnersuut  
(Inatsisartunut ilaasortaq Doris Jakobsen, Siumut)**

**pillugu**

**Aatsitassanut Ataatsimiititaliap**

**ISUMALIUTISSIISSUTAA**

**Siunnersuutip aappassaaneerseqarnissaanut saqqummiunneqartoq**

Aatsitassanut Ataatsimiititaliaq suliarinninnermini ukuninnga inuttaqarpoq:

Inatsisartunut ilaasortaq Jens Immanunelsen, Siumut, siulittaasoq

Inatsisartunut ilaasortaq Doris, Jakobsen, Siumut, siulittaasup tullia

Inatsisartunut ilaasortaq Hans Enoksen, Siumut

Inatsisartunut ilaasortaq Gerhardt Petersen, Atassut

Inatsisartunut ilaasortaq Jens B. Frederiksen, Demokraatit

Inatsisartunut ilaasortaq Kuupik V. Kleist, Inuit Ataqtigiit

Inatsisartunut ilaasortaq Naaja Nathanielsen, Inuit Ataqtigiit

**1. Siunnersuutip imarisaa siunertaalu**

Kalaallit Nunaat compliant imaluunniit candidate country statuseqalerluni Extractive Industries Transparency Initiative-mi ilaasortanngorsinnaanersoq pillugu qulaajaannissaq siunertaralugu Naalakkersuisut naalagaaffimmut attaveqaqqullugit peqquneqarnissaat siunnersuuteqartup aalajangiiffigisassatut siunnersuut manna aqutugalugu kissaatigaa.

**1.1 EITI naatsumik oqaluttuaralugu**

EITI Extractive Industries Transparency Initiative nunani uuliaqarfinni aatsitassaqqarfiusunilu aatsitassanik aqutsinerup ersarissuunissaa akisussaassuseqartumillu ingerlanneqarnissaa pitsanngorsarniarlugit 2002-mi pilersinneqarpoq. Nunat naalakkersuisuisa, ingerlatseqatigiiffiit namminersortut inuinnaallu akornanni suleqatigiinnermi pisortatigoortumik maleruagassat minnerpaaffissaannik inissitsiterinissaq EITI-mut atatillugu tunngaviusumik siunertarineqarpoq. EITI-p tunngavigisaani aatsitassarsiornermik ingerlatseqatigiiffiit, oqartussaasut innuttaasullu akornanni paasissutissatigut ammasuunissaq avitseqatigiittarnissarlu immikkut qitiutinneqarput.

Aatsitassarsiornermik ingerlatsivinni ersarissuunissamat periutsumik nunanit tamalaanit akuerisaasumik atuutsitsilernikkut aatsitassarsiornermit uuliasiornermillu ingerlatanit isertitat tamanit takuneqarsinnaajuaannanginnerat nunat naalackersuisuinit naleqqussarneqarsinnaalissaaq iliuuseqarfigineqarsinnaalissallunilu.

EITI-p aatsitassarsiornermik ingerlatseqatigiiffiit nunami ingerlatsivigisaminni qanoq annertutigisumik iluanaaruteqartarnerminnik paasissutissiinissaannik tamanullu saqqummiussinissaannik pisussaaffilertarpei. Nunap naalackersuisui aatsitassarsiornermit ingerlatanit qanoq annertutigisumik iluanaaruteqartarnerminnik tamanut saqqummiussinissamat pisussaaffilerneqartarput. Aamma taamaaliornikkut aatsitassarsiornermik ingerlataqartut akornanni ersarissumik ingerlatsinissaat siuarsarneqassaaq aammalu aatsitassarsiornermut tunngasuni nunap naalackersuisuisa aqutsinerannut sinaakktissat nukittorsarneqassallutik.

EITI nunarsuarmi uuliasiornermik, gasisiornermik aatsitassarsiornermillu ingerlatseqatigiiffinnit anginerpaanit 50-init kiisalu World Bankimit aammalu IMF-imit tapersersorneqarpoq. Nunanut EITI-mut tapersersuisorpassuarnut ilaapput Canada, Australien, UK, USA, Norge, Sverige aamma Danmark.

## **2. Siunnersuutip Inatsisartunit siullermeerneqarnera**

Siunnersuutip akuerineqarnissaanut Inatsisartuni annertuumik tapersersuisoqartoq ataatsimiititaliamit maluginiarneqarpoq. Siunnersuutip akuerineqarnissaa Naalackersuisuinit inassutigineqartoq ataatsimiititaliamit aamma maluginiarneqarpoq.

## **3. Ataatsimiititaliap siunnersuummik suliarrinninnera**

Siunnersuut akuerineqassasoq Inatsisartunit kissaatigineqartoq ataatsimiititaliamit maluginiarneqarpoq. Tamanna ataatsimiititaliamit tusaatissatut tiguneqarpoq tamannalu tunngavigalugu allanik oqaaseqaateqarnissamat tunngavissaqarnani.


## **4. Siunnersuutip aningaasaqarnikkut kingunerisassai**

Aalajangiiffigisassatut siunnersuutini pivirusungortitsinermi aningaasaqarnikkut allaffissornikkullu kingunerisassat siunnersuutip tunngavilersuutaani nassuiaatigineqartassat Inatsisartut suleriaasianni § 33, imm. 1-imi allassimavoq. Siunnersuutip pivirusungortinneqarnerani aningaasaqarnikkut kingunerisassat tamanna naapertorlugu siunnersuummi nalunaarneqartut ataatsimiititaliamit maluginiarneqarpoq.

**5. Ataatsimiititaliap inassuteqaataa**


Siunnersuut akuerineqassasoq ataatsimiititaliamit isumaqatigiittumit inassutigineqarpoq.

Taama oqaaseqarluni aammalu isumaliutissiisummi oqaatigineqartutut paasinnilluni ataatsimiititaliap siunnersuut aappassaaniigassanngortippaa.




Jens Immanuelson


Siulittaasoq




Doris Jakobsen



Hans Enoksen



Jens B. Frederiksen



Gerhardt Petersen



Naaja Nathanielsen



Kuupik V. Kleist